

Divendres,
22 de mai de 2020

ethTRICICLE

Auè,



REBREMDEM A FLORENCE NIGHTINGALE

Er an passat se decidic qu'en 2020 se celebrarie er an dera Infermiera, ei a díder, que se harien actes o libres entà rebrembar com ei d'important eth trabalh des infermièreres e infermièrs. Alavetz, arrés se demoraue qu'eth nau coronavirus ac demostrarie mès que jamès!

E perqué er an 2020? Donques, pri'amor que hè 200 ans que neishet Florence Nightingale. Ère ua infermièra brilhanta. Trabalhèt en un espital qu'atiege herits de guèrra. I morien fòrça soldats. Era pensèt manèreres de milhorar coma les atiegen e, gràcies ad aquerò, sauvèt fòrça vides.

Florence Nightingale neishet un 12 de mai. Per aquerò, aquest dia fòrça espitals e ajuntaments illuminèren de blu era façada entà hèr un aumenatge as infermièreres e infermièrs. Quauqui cantants, coma Rozalén e Eva Amaral, les dediquèren un concèrt en linha. E bèri artistes, coma Ignasi Blanch o Banksy, les an hèt un diboissh.



▲ Florence Nightingale

acte: activitat importanta e programada a on s'amasse gent.

brilhant: molt intelligent.

aumenatjar: organitzar ua celebracion en amor a ua persona importanta.

dedicar: hèr ua causa en tot pensar en quauquarres en concrèt, coma aufrint-la coma present.



Qué arteneh Florence Nightingale coma infermièra? | Perqué eth dia 12 de mai heren un aumenatge as infermièreres e infermièrs? | Com penses que serien es espitals se non i auesse infermièreres e infermièrs?



Mès informacion: <https://bit.ly/2WJTTVc>



AUANCE ETH DESCONFINAMENT

Se reprenen quauques activitats



I a territòris qu'an anat auançant de fasa de desconfinament. Açò vò díder que s'i pòden tornar a hèr bères activitats. Maugrat açò, toti an de complir normes de seguretat entà evitar contagis, coma deishar distància entre es persones.

Fòrça zònes an ja deishat endarrèr era fasa 0 e an entrat ena fasa 1. En aguesta fasa, ja se pòden visitar familhars o amics que viuen apròp se se manten era distància de dus mètres. Tanben se pòt crompar en botigues sense ora per auança e es bibliotèques pòden tornar a aufrir servici de prèst.

Ua zòna sonque pòt passar de fasa s'eth nombre de malauts de COVID-19 e es contagis baishen. Açò se contròle dia a dia. Toti auem d'èster responsables e seguir es normes entà evitar que tornen a créisher. Per ua auta part, maugrat que se confie que pòc a pòc totes es zònes passen de fasa, i a fòrça causes qu'encara non se pòden saber, per exemple, quan tornaràn a daurir es escoles.



Quini son quauqu'uns des cambis dera fasa 1? | De qué depen que se pogue cambiar de fasa? | Tu haries proibicions o recomanacions? Perqué?

ora per auança: hèt de soslinhar dia e ora entà hèr quauquarren.

COVID-19: malautia causada peth nau coronavirus.

responsable: que hè es causes en tot pensar en ben de toti.



abitud: costum, causa que se hè abituament.

desplaçar-se: anar d'un lòc tà un aute.

majorista: comerciant que ven quantitats molt granes en gròs, ei a díder, a d'autes empreses e non a persones particulars.



CAMBIS ENA FORMA DE CROMPAR

Es legums e es ortalècies an pujat de prètz



Pendent eth confinament, es abituds an cambiat. Per aquerò, tanben a cambiat era nòsta manèra de consumir. Per exemple, non auem gastat enes bars e restaurants mentre an estat barradi, ne tanpòc en gasolina, ja que lèu non mos desplaçauem en coche. Per contra, s'a crompat fòrça mès haria, pr'amor que fòrça gent s'animèc a hèr pastissi en casa.

Per ua auta part, en inici deth confinament, fòrça personas aueren pòur que manquessen aliments enes supermercats e comencèren a crompar-ne fòrça. Açò hec que pugèssen de prètz. Ath delà, es botiguèrs, es supermercats e es majoristes sigueren fòrça aucupadi entà organizar ben eth trabalh e non pensèren tant a prepausar aufèrtes, qu'abaratissen es prètzi.

Bèri uns des productes qu'an pujat mès de prètz an estat era fruta, era verdura, es legums, es pizzas, eth peish, es truhes e era pasta. De totes formes, se cre qu'aguesti prètzi tornaràn a baishar.



▲ Frutes e verdures exposades en un mercat



Perqué an cambiat es abituds de consum? | Quini son bèri uns des motius que heren a pujar de prètz es aliments? | Podem èster preparadi entà tot çò que mos pòt passar? Rasoac.

internacionau: de diuèrsi païsi de tot eth mon.

virtuaument: a trauès de tecnologia audiovisuau e non dirèctaments.



ETH DIA DES MUSÈUS, ENES HILATS

An proposat visites e activitats virtuaus



Eth dia 18 de mai ei eth Dia Internacionau des Musèus. Cada an sòlen celebràc damb visites gratuïtes o activitats especiaus, e enguan tanben. Mau-grat qu'era COVID-19 a obligat a barrar-les, es musèus an aufrit prepauses en internet entà continuar apropant-les a toti.

I a musèus que se pòden visitar virtuaument. Atau, podem visitar sense gèsser de casa eth Musèu deth Càntir d'Argentona, eth Musèu Dalí de Figueres e eth Musèu Van Gogh d'Amsterdam, entre d'auti. Bèri uns an creat divertiments, coma eth jòc de pistes «Tròba er objècte» deth Musèu deth Dessenh de Barcelona.

Per ua auta part, ua setantea de musèus de Catalonha enregistrèren videos que mostrauen e explicauen es sues colleccions. Toti se pòden veir en canau de YouTube PatrimoniGencat.

Ath delà, se prepausèren concorsi e rèptes enes hilats, e tanben s'i heren bères charrades. De totes formes, es musèus an intencions de tornar a daurir es pòrtes. S'era situacion ac permet, haràn ua jornada de pòrtes dubèrtes eth dia 14 de noveme.



Qué a agut de diferent enguan eth Dia des Musèus? | Quines son quauqu'ues des prepauses qu'an hèt es musèus entà celebrar-lo? | Entà qué cres que servís un musèu?



Musèu del Càntir d'Argentona: <https://bit.ly/3g6jak0>

Musèu Dalí de Figueres: <https://bit.ly/2Zls8ny>

Musèu Van Gogh d'Amsterdam: <https://bit.ly/2ZhHSIi>

colleccion: conjunt de pèces restacades que s'exposen en un musèu.

pòrtes dubèrtes: hèt de deishar entrar de franc en un lòc que normauments ei de pagament o barrat ath public.




▲ Pannèu deth Dia Internacionau des Musèus 2020



UN VIDEOJÒC TÀ TINTIN

Sabetz qui ei Tintin? Ei un personatge d'un comic d'aventures creades per un diboishant bèlga nomenat Hergé. Se dedique a investigar mistèris e còrrer aventures damb es sòns amics, eth gosset Milou, eth capitan Haddock e eth professor Tornassol, entre d'auti. Ei famós per tot eth mon, e des comics se n'an hèt tanben pellicules, diboishi e videojòcs.



▲ Tintin e eth sòn can Milou

Eth darrèr videojòc, totun, ja a quauqui ans. Ara, ua empresa francesa que cree videojòcs acabe d'anonciar que crearà un nau videojòc de Tintin entà consòles e ordenadors. Ben lèu, es fans de Tintin poderàn gaudir des sues aventures mentre jòquen. Ath delà, era empresa, que se ditz Microïds, a explicat qu'es membres dera equipa que i trabalharàn son toti fans d'aquest reportèr.

Encara non se sap com se titularà eth jòc, ne entà quines consòles se fabricarà exactaments, ne tanpòc quan arribarà, mès es fans de Tintin demoraràn impacients eth gran moment.



Qui ei Tintin? | Perqué ei notícia ara Tintin? | Cres qu'ei bon invent utilizar personatges coneishudi entà hèr videojòcs o ei melhor crear-ne de nau? Perqué?

comic: istòria explicada en vinhetes.

bèlga: de Belgica.

mistèri: causa que non se pòt explicar o que non se coneish pro ben.

consòla: aparelh que se connècte ara television entà jogar damb jòcs electronics.

reportèr: periodista.




UA IMATGE CLARA DE JUPITÀ

S'an eliminat dera imatge es gasi dera superfície

Jupità ei eth planeta mès gran deth sistèma solar e aucupe era cincau posicion respècte deth Solei. Ei 11 còps mès gran qu'era Tèrra, es dies duren 10 ores e a de besonh 12 ans dera Tèrra entà hèr un torn ath Solei. A ua grana taca vermelha, qu'ei ua tempèsta de vents que se coneish des de hè mès de 300 ans.

Enquia ara, es scientifics l'an pogut observar gràcies a telescopis, sondes e missions espaciaus, mès ara auràn un nau instrument: ua imatge creada a compdar de centeats d'exposicions que diboishen es regions de calor que i a jos es bromes de gas gigant. Cada exposicion s'a arthenhut en tot minimizar l'efècte borros que hig era atmosfèra dera Tèrra ena observacion der espaci.

Atau, s'a junhut un mosaïc d'imatges fòrça clares que permeteràn as scientifics d'analizar damb mès prigondor er interior deth planeta vesin dera Tèrra. D'aguesta manèra, cerquen explicar eth particular sistèma climatic de Jupità, a on se desencadenen granes tempèstes qu'abasten decènnis e tanben sègles.



▲ Naua imatge clara de Jupità

exposicion: fotografia.

minimizar: redusir ath minim ua causa.

mosaïc: imatge hèta amassant-ne moltes autes.

abastir: arribar a ocupar ua quantitat de temps o espaci determinat.



Quines caracteristiques a Jupità? | Perqué ei important eth mosaïc clar que s'a arthenhut? | Perqué penses qu'es scientifics estudien tant er univèrs?



JUGUEM!


Sopa de lletres

Hi ha amagades 10 paraules relacionades amb el teatre i el cinema.

F	N	Y	X	O	E	O	E	Y	C	C	D	P
N	E	T	P	O	S	Y	P	M	P	A	A	A
E	M	I	M	A	A	C	T	R	I	U	G	L
S	A	L	T	I	M	B	A	N	Q	U	I	L
B	A	M	B	O	L	I	N	A	R	U	C	A
T	Y	A	W	U	I	S	C	A	C	Q	L	S
T	I	T	E	L	L	A	I	W	T	Y	A	S
V	F	W	Y	L	S	A	I	N	E	T	C	O
L	A	E	C	K	U	H	O	O	A	O	A	Y
U	R	J	F	M	M	Y	I	Q	T	X	R	U
F	S	W	O	E	C	O	A	W	R	H	Z	F
U	A	L	J	D	I	C	A	O	E	A	A	F


Laberint

Troba el camí per arribar a l'avió.



Copia

Fixa't en la papallona del model i intenta dibuixar-la pintant els cercles.




Suma les figures

Quant sumen els quadrats?.....

Quant sumen els cercles?.....


Quant sumen els triangles?.....

Quin és el resultat de la resta dels pentàgons menys els hexàgons?.....



Cubs

Encercla el cub que es correspon amb la imatge de l'esquerra.



el tricicle

Aprenentatge significatiu i vivencial

el tricicle

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricicle.cat
eltricicle@eltricicle.cat



Setmanari per a nens i nenes

Una publicació de:


Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat



SOLUCIONS N. 168


Sopa de lletres

Hi ha amagades 10 paraules relacionades amb el teatre i el cinema.




Laberint

Troba el camí per arribar a l'avió.



Copia

Fixa't en la papallona del model i intenta dibuixar-la al requadre pintant els cercles.





Suma les figures

Quant sumen els quadrats? 81

Quant sumen els cercles? 47

Quant sumen els triangles? 99

Quin és el resultat de la resta dels pentàgons menys els hexàgons? 36



Cubs

Encercla el cub que es correspon amb la imatge de l'esquerra.

